

panis inciditur. Potest etiam מלחמה dici ab absumendo, quia bellum omnia quasi comedit & absumit. a)

§. II. Tanto effuso sanguine] Hæc verba non leguntur supra c. XVII. nec 2. Sam. VII. Ergò pertinent ad paralipomena, i. e. prætermiffa. b) Hieronymus hoc refert ad sanguinem Uriæ innoxium, quem vult inhabilem fecisse Davidem ad ædificandam domum Dei. Refutant hoc alii, quia hæc à Deo dicta sint ante cædem Uriæ, quod probant ex c. XVII. & 2. Sam. VII. c) Verùm supra ad 2. Sam. VII. observavimus, illa loca cum hoc nostro non esse parallela, sed hanc planè novam atq; aliam fuisse revelationem Davidi factam. Res ipsa tamen, quod nempe hæc visio Davidi ante Uriæ cædem oblata fuerit, nobis non improbatur. Ac de cæde Uriæ Deum hîc non loqui satis patet, quia de bellis Deus ipse explicat, ut ex proximè antecedentibus patet, & quia dicitur: sanguinem *multum* effudisti, quod plus quàm unam illam cædem importat.

§. III. Effuso sanguine] Juxta Ebræum sanguinem effudisti. Junius verbum præteriti temporis effudisti vertit per præsens effundis, cum liqveat ex historia, Davidem plurima bella postea demùm gessisse. Is itaq; verborum Dei sensus esset: tu in gerendis bellis, & fundendo hostium sanguine es occupatissimus, ut ædificationi templi operam dare non possis. Hæc explicatio satis confirmatur ex 1. Reg. V, 3. ubi dicitur: pater meus לא יכל non potuit ædificare nomen Domini Dei sui, propter bella *imminentia* per circuitum, donec daret Dominus eos sub vestigio pedum ejus. Nunc autem requiem dedit Deus meus mihi per circuitum. Sic h. l. dicitur לא תבנה non ædificabis, i. e. non ædificare poteris.

SECTIO TERTIA.

Th. Bella hoc in loco non damnantur ut simpliciter injusta, c. Anabapt. Photin. & VVeigel.

§. I. Sane 1. Ipse Deus dicitur vir bellator Exod. XV, 13. 2. Bella Davidis vocantur bella Domini 1. Sam. XVIII, 17. c. XXV, 28. 3. Deus dicitur docuisse manus ejus ad prælium 1. Sam. XXII, 35. Pf. XVIII, 35. d) 4. Imò Deus jussit bella contra Cananæos &c. gerere.

§. II. Quòd ergò hîc ait Dominus: non ædificabis mihi domum, quia bella gessisti,

a) Kirch. b) Pisc. c) Estius. d) Gerh. L. de Magistratu §. 387.